

**МАМЛАКАТИМИЗДА**

- Бердах номидаги Қорақалпоқ Давлат университетига Ўзбекистон Республикаси давлат мустақиллигининг 20 йиллигига бағишлаб «Ўзбекистон — умумий уйимиз» мавзусида илмий-амалий анжуман бўлиб ўтди.
- Пойтахтимизда Ўзбекистон «Камолот» ЁИХ томонидан «Чекиш — умр заволи» мавзусида ўтказилган давра суҳбатида ёшларда бундай иллатларга қарши туриш кўникмаларини тарбиялаш масалалари ҳақида фикр алмашилди. Ўзбекистон Республикаси Олий Мажлиси Қонунчилик палатаси Меҳнат ва ижтимоий масалалар қўмитаси билан ҳамкорликда ташкил этилган тadbирда давлат ва нодавлат ташкилотлар вакиллари, шифокорлар, талаба-ёшлар иштирок этди.
- Абу Райҳон Беруний номидаги Тошкент Давлат техника университетига фан ва технологиялар тараққиётида иқтидорли ёшларнинг ўрнига бағишланган республика илмий-амалий анжумани бўлиб ўтди. Тадбир Ўзбекистон Республикаси Олий ва ўрта махсус таълим вазирлиги томонидан «Келажак овози» ёшлар ташаббуслари маркази ҳамкорлигида ташкил этилди.
- Пойтахтимизда аёлларнинг репродуктив саломатлигини муҳофаза қилиш борасида амалга оширилётган ишлар, ушбу йўналишдаги долзарб масалаларга бағишланган илмий-амалий анжуман бўлиб ўтди. Ўзбекистон Соғлиқни сақлаш вазирлиги, Акушерлик ва гинекология илмий-амалий тиббиёт маркази ҳамкорлигида ташкил этилган тadbирда илмий-тадқиқот муассасалари олимлари, даволаш-профилактика ва туғруқ мажмуалари шифокорлари иштирок этди.
- Наманган шаҳрида Ўзбекистон Республикаси Олий Мажлиси Сенатининг Мудофаа ва ҳавфсизлик масалалари қўмитаси ва халқ депутатлари Наманган вилояти Кенгаши ҳамкорлигида «Инсон ҳуқуқлари — энг олий қадрият» мавзусида давра суҳбати бўлиб ўтди.
- Урганч шаҳрида «Ҳамшира-2011» кўрик-танловининг Хоразм вилояти босқичи ўтказилди. Танловда шаҳар ва туман босқичларида ғолибликни қўлга киритган 12 нафар ҳамшира беллашди. Шартларга кўра, иштирокчиларнинг тиббиёт тизимида олиб борилаётган ислохотларга доир билими, касб маҳорати, ҳуқуқий маданияти ҳамда ижодий қобилияти синовдан ўтказилди. Хонқа тумани тиббиёт бирлашмаси ҳамшираси Севара Жуманиёзова танловнинг республика босқичига йўлланма олди.

**ЖАҲОНДА**

- Америка Қўшма Штатлари авиация тарихида ўн ёшли Кристофер Маршал энг ёш учувчи сифатида қайд этилган. У Лос-Анжелес аэродромидан кўтарилиб, Флоридадаги Лодердейл аэропортига қўнган.
- Япониянинг миллий полиция бошқармаси ер силкиниши ва цунами оқибатида ҳалок бўлганлар бўйича расмий маълумотни янгилади. Жорий йил март ойида Кунчикар мамлакатига рўй берган табиий офат туфайли 15057 киши ҳалок бўлган.
- Словениянинг пойтахти Люблина яқинида кеча эртаб Германиядан Хорватияга болаларни дам олиш манзилига етказишга йўл олган автобус ҳалокатга учраган. Крань-Люблина катта йўлининг 20 километрдига нуқтасида содир бўлган авария натижасида олти киши оғир жароҳат олган.
- Миссисипи дарёси бўйидаги энг юқори сув кўтарилиш даражаси Висконсин штати яқинида 17,2 метр баландликда қайд этилди. Бу борада энг юқори кўрсаткич 1927 йилга (17,1 метр) тўғри келади.
- Буюк Британия қироличасининг биринчи марта Ирландия давлатига ташриф буюриши кутилмоқда.
- Европа Иттифоқи томонидан Португалияга инқирозга қарши чора-тадбирларни амалга ошириш учун 78 миллиард евро ажратилди.

# ТОШКЕНТ ОҚШОМИ



Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСЙ КУНДАЛИК ГАЗЕТАСИ

№ 95 (11.906)

Баҳоси эркин нарҳда



## БУЮК ВА МУҚАДДАССАН, МУСТАҚИЛ ВАТАН!

### ПОЙТАХТНИНГ БИР КУНИ



**Кеча «Ўзэкспомарказ» мажмуасида «Энергетика-Pover Uzbekistan» 6-халқаро кўргазма иш бошлади. Уч кун давомида кўргазмада энергетика тармоғининг илмий-техникавий ютуқлари намойиш этилади. Тадбирнинг ташкилотчиси «ITE UZBEKISTAN» ҳамда унинг ҳамкори бўлган Буюк Британиянинг кўргазмалар компаниесидир.**

#### Кўргазмалар

### ЭНЕРГЕТИКА ТАРМОҒИ ЮТУҚЛАРИ НАМОЙИШИ

Барча соҳаларда амалга оширилаётган ислохотлар иқтисодийнинг кўплаб тармоқлари, хусусан энергетика саноатининг янада ривожланишида ҳам муҳим омил бўлмоқда. Мамлакатимизда электр энергияси ишлаб чиқариш ҳажмини ошириш, янги-янги қувватларни ишга тушириш борасида салмоқли ишлар қилинди, катта ютуқларга эришилди. Тизимни модернизация қилишга қаратилган лойиҳаларни амалга ошириш мақсадида хорижий инвестицияларни жалб қилиш ишлари самарали кечмоқда. Кўргазма экспозицияларида энергетиканинг асосий йўналишларини акс эттирган кўп қисми энергетика тармоғи бўлиб, энергия ресурслари сарфини назорат қилиш ва ҳисобини юритиш тизимлари соҳа мутахассисларини ҳам, оддий истеъмолчини ҳам қизиқтириши табиийдир. Кўргазма иштирокчилари 30 дан зиёд компаниялар бўлиб, улар Германия, Россия, Украина, Қозоғистон, Жанубий Корея, Хитой, Франция, Япония каби давлатлар вакиллари. Стендларда соҳа учун мўлжалланган ускуналарни ишлаб чиқарувчилар ва етказ

зиб берувчилар фаолияти акс этган. Бундан ташқари, бу ерда автоматлаштирилган бошқарув тизимлари, энергетика технологиялари ва ускуналари, трансформатор, кабел, электр қурилмалари, ҳисобга олиш ва назорат қилиш асбоблари, кўш энергетикаси, саноат энергетикаси, турбогенератор ва бошқа кўп қисми маҳсулотлар намуналари билан танишиш мумкин. Эътиборли томони, кўргазмада маҳаллий ишлаб чиқарувчилардан — «Ўзэлектротранс-Электротех» акциядорлик жамияти ва «ASU Technology» — корхоналар маҳсулотлари кенг ўрин олган. «Энергетика-2011: инновациялар, ечимлар, истиқболлар» халқаро конференция ҳам кўргазма доирасида муҳим амалий тadbир ҳисобланади. Унда мамлакатимиз вакиллари билан соҳа етакчи ҳисобланган «Ўзбекэнерго» давлат акциядорлик компанияси, «Узсувэнерго» ишлаб чиқариш бирлашмаси, хорижий мутахассислар билан биргаликда 100 дан зиёд соҳа вакиллари иштироки кутилмоқда. **Муҳаббат ҲАБИБУЛЛАЕВА** **Козим Ўлмасов** олган сурат

Франциянинг «Pantheon-Assas Paris II» университети профессори **Жак Барранинг** мамлакатимизга ташрифи доирасида **Жаҳон иқтисодиёти ва дипломатия университетига «Ўзбекистон геосиёсати» мавзусида семинар бўлиб ўтди. Семинар таниқли олимнинг «Ўзбекистон геосиёсати» китобининг асосий концептуал қоидалари таҳлилига бағишланди.**

Анжуманда Ўзбекистон Республикаси Ташқи ишлар вазирлиги, Жаҳон иқтисодиёти ва дипломатия университети, мамлакатимизнинг турли вазирлик ва идоралари, шунингдек, Франция Республикасининг Тошкентдаги элчихонаси вакиллари иштирок этди.

Семинарда Жак Барра анжуман иштирокчиларини китобининг асосий йўналишлари билан атрофлича таништирди. Олим Францияда ва умуман бутун Европада ўзбек халқининг бой тарихий ва маданий мероси, Ўзбекистон бугун иқтисодий, ижтимоий-сиёсий соҳаларда эришаётган ютуқлар, мамлакатнинг ташқи сиёсати ва халқаро майдондаги ўрни юксак кадрларини алоҳида таъкидлади.

«Ўзбекистон геосиёсати» китобида алоҳида таъкидланганидек, Ўзбекистон мустақиллиги кўлга киритгач, Президент Ислам Каримов томонидан ишлаб чиқилган тараққиётнинг «Ўзбек модели» ташлади ва у ҳаётта изчил таъбиқ этилмоқда. Муаллиф таъкидлаганидек, айнан Ўзбекистон танлаган ривожланишнинг ўзига хос ва мос йўли самарасида мамлакатда 1991 йилдан буён молиявий барқарорлик сақланмоқда, изчил иқтисодий ўсиш таъминланмоқда ва 2008 йилдан бошланган жаҳон молиявий-иқтисодий инқирозининг салбий оқибатлари муваффақиятли бартараф этилди. Жак Барра ўз китобида, шунингдек, Ўзбекистоннинг фуқаролар ҳуқуқий ҳимоясини таъминлаш, суд тизимини инсонпарварлаштириш ва эркинлаштиришга йўналтирилган саясатларига юксак баҳо берган. Унинг фикрича, Ўзбекистонда 2008 йилнинг январь ойида ўлим жазосининг бекор қилиниши бу йўналишдаги улкан қадам бўлди. Француз сиёсатшуносининг қайд этишича, Ўзбекистонда давлат ҳокимияти тизимини ислоҳ қилиш доирасида сайлов тизимини такомиллаштириш муҳим аҳамият касб этмоқда. Бу мамлакатда демократлаштириш жараёнини ва сиёсий партиялар фаолиятини кучайтириш, шунингдек, нодавлат ташкилотлар ҳамда турли уюшмаларнинг ро-

лаштирувчи-таҳлил маркази, Ўзбекистон Миллий университети, Жаҳон иқтисодиёти ва дипломатия университети, мамлакатимизнинг турли вазирлик ва идоралари, шунингдек, Франция Республикасининг Тошкентдаги элчихонаси вакиллари иштирок этди. Семинарда Жак Барра анжуман иштирокчиларини китобининг асосий йўналишлари билан атрофлича таништирди. Олим Францияда ва умуман бутун Европада ўзбек халқининг бой тарихий ва маданий мероси, Ўзбекистон бугун иқтисодий, ижтимоий-сиёсий соҳаларда эришаётган ютуқлар, мамлакатнинг ташқи сиёсати ва халқаро майдондаги ўрни юксак кадрларини алоҳида таъкидлади. Мамлакатни ижтимоий-иқтисодий ривожлантириш бўйича танланган моделнинг изчил амалга оширилиши Ўзбекистонга жадал тараққиёт этаётган давлатлар қаторига қўшилиш имконини берди, деб ишонч билан қайд этди Жак Барра. «Мамлакатда барқарор иқтисодий ўсишга эришилмоқда, қишлоқ хўжалигини ривожлантириш ҳисобидан фаровонлик таъминланмоқда, саноатни модернизация қилиш ва ишлаб чиқариш самарадорлигини ошириш, шунингдек, бошқа йўналишларда кенг қўламли ишлар амалга оширилмоқда». «Ўзбекистон геосиёсати» китобида трансчегаравий дарёлар сув ресурсларидан фойдаланиш, йирик гидротехник иншоотлар қурилиши муаммоларига кенг ўрин берилган. Китоб муаллифи сув тақчиллиги бугун нафақат миллий, балки халқаро муаммага айланганини қайд этар экан, трансчегаравий дарёлар сув ресурсларидан оқилона фойдаланиш, шу жумладан, янги гидроэлектростанциялар ва қурилиши масаласи алоҳида долзарблик касб этаётганини таъкидлайди. Шу маънода, янги гидроиншоотлар қурилиши атраф-муҳитга зарар етказмаслиги ҳамда Амударё ва Сирдарёнинг қуйи оқимида яшаётган аҳоли манфаатларига дахл қилмаслиги лозимлиги қайд этилди. Олим бундай гидротехник иншоотлар сўзиси, халқаро ҳуқуқ меъёрларига амал қилган

холда ва БМТнинг тегишли конвенциялари талаблари асосида, мустақил халқаро экологик экспертизадан ўтказилиши зарурлигига эътибор қаратади. Жак Барра ўз китобида яна бир муҳим йўналиш — таълим соҳаси хусусида ҳам сўз юритган. Муаллиф Ўзбекистон ялпи ички маҳсулотининг 12 фоизи ушбу соҳага йўналтирилаётганини, халқаро микёсда бу кўрсаткич ўртача 3-5 фоизни ташкил этишини қайд этди. Мамлакатда 1,5 мингдан зиёд академик лицей ва касб-хўнара коллежалари фаолият кўрсатмоқда, 4,5 мингдан ортиқ умумтаълим мактаблари таъмирланди, 75 олий таълим муассасасида 300 минг-

### УЛКАН МУВАФФАҚИЯТЛАРИМИЗНИНГ ЮКСАК ЭЪТИРОФИ

дан ортиқ талаба 850 мутахассислик бўйича таълим олмақда. Француз олими Ўзбекистоннинг жаҳон хўжалик ва геосиёсий муносабатларининг тенг ҳуқуқли иштирокчиси сифатида дунё ҳамжамиятига фаол интеграциялашиб бораётганини мамнуният билан қайд этди. Ўзбекистон 20 йиллик муттасил тараққиётни мобайнида миллий мустақиллигини янада мустаҳкамлашга йўналтирилган прагматик ва изчил ташқи сиёсат юритиб келаётган, Ўзбекистоннинг Европа Иттифоқи, шу жумладан, Франция билан ҳамкорлиги барча йўналишларда фаол ривожланмоқда. Жак Барра қайд этганидек, «Тошкент минтақавий дипломатия пойтахтига айланмоқда». Ўзбекистоннинг Афғонистон муаммосини ҳал этиш борасидаги ташаббуслари бу фикрнинг ёрқин далилидир. Ўзбекистоннинг бу масаладаги ташаббуси Францияда катта қизиқиш уйғотмоқда. Эеро, Европа ҳавфсизлиги бевосита Афғонистонда барқарорлик ўрнатилиши билан боғлиқдир. Ўзбекистон минтақда ҳавфсизликни таъминлаш ҳамда Афғонистонда тирилик ва барқарорлик ўрнатишда ҳал қилувчи ўринлардан бирини эгаллайди. Европа мамлакатлари Ўзбекистоннинг Афғонистонни тиклаш ишидаги ёрдамини, расмий Тошкентнинг мазкур йўналишдаги саясатларини юксак қадрлайди. Анжуманда мамлакатимизнинг давлат ва жамоат тузилмалари, етакчи илмий-тадқиқот ва академик марказлари вакиллари сўзга чиқди. Семинар иштирокчилари француз геосиёсий таҳлил мактаби фаолияти ва мустақил Ўзбекистон тараққиётининг асосий босқичлари, мамлакат ички ва ташқи сиёсатининг устувор йўналишлари билан таништирилди. Халқаро ҳамкорлик, минтақда ҳавфсизлик ва барқарорликни таъминлаш, шунингдек, Европа мамлакатлари билан маданий ва иқтисодий алоқаларни ривожлантириш масалалари юзасидан атрофлича фикр алмашилди. (ЎЗА)

**ҚИСКА САТРАЛДАРДА**  
Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **БУГУН** Миллий матбуот марказида Солиқ ҳамда Монополиядан чиқариш ва рақобатни кучайтириш давлат қўмиталари томонидан ўтказилган матбуот анжуманида Токио бизнес ва хусусий тадбиркорлик йилида амалга оширилаётган ишлар хусусида сўз борди.

✓ **БУГУН** «Ипакчи», «Исломобод» (Шайхонтоҳур тумани), «Гуручарик», «Себзор» (Олмазор тумани), «Ёрқин ҳаёт» (Сергели тумани) маҳаллаларида фуқаролар йиғинлари сайлови бўлиб ўтди.

✓ **МИРОБОД** саноат коллежида «Касблар фестивали» шиори остида мактаблар битирувчилари учун «Очиқ эшиклар кuni» ташкил этилди.





